



GUANG DONG YANHUANG CULTURE
RESEARCH INSTITUTE

崖山志

下

(明) 黄 淳等 撰

岭南文化历史文献选辑 ● 广东炎黄文化研究会

广东人民出版社



(明) 黃 淳等 撰

厓山志

(下)

廣東人民出版社

責任編輯：辛朝毅

封面設計：迪 賽

責任技編：周 傑

厓山志(上、下)

(明)黃 淳等 撰

*

廣東人民出版社出版發行

廣東省新華書店經銷

韶關市金啓彩印公司印刷

(廠址：韶關市陵南路8號)

850×1168毫米 32開本 32.25印張 2插頁 500,000字

1996年11月第1版 1996年11月第1次印刷

印數1—2,000冊

ISBN 7-218-02334-7/K·530

定價：53.80元

如發現印刷質量問題，影響閱讀，請與承印廠聯系調換

厓山志卷之五

明進士新會黃淳纂修

舉人李之世校正

庠生陳儼

黃雲登全校

題詠詩賦

許炯曰述古今志興喪者莫善乎詩板蕩之什
黍離之歌至今讀之有餘悲焉性情所發固然
哉宋被狄禍最酷君臣死國最正厓門山川最
奇壯故登之者躊躇焉感慨焉形之篇詠可興

可觀其憂如板蕩其思如黍離其憤厲激切直
欲起三公而與之同仇也非天之所賦其孰能
與于此雖其美惡言人人殊亦存乎其人身吾
惡得而一之志題詠

淳曰文信國公身罹夷變目激宋亡發為詩歌
慷慨悲憤採冠之首以志題詠之始

宋

峻都閭二王

一馬渡江開晉土五龍夾日復唐天內家苗裔
直隆準虜運從來無百年

二月六日海上大戰國事不濟孤臣天祥坐北

舟中向南慟哭為之詩曰

長平一坑四十萬秦人歡欣宋人怨大風揚沙水不
流為楚者樂為漢愁興家勝負常不一紛紛干戈
何時畢必有天吏將明威不嗜殺人能一之我生
之初尚無疾我生之後遭陽九厥角稽首二百州
正氣掃地山河羞身為大臣義當死城下師盟愧
牛耳間關歸國洗日光白麻重宣不敢當出師三
年勞且苦咫尺長安不得覩非無虜虎士如林一
日不戒為人擒樓船千艘下天角兩雄相遭相

噴薄古來何代無戰爭未有鋒鏑交滄溟遊兵
日來復日往相持一月為鷸蚌南人志欲扶崑
崙北人氣欲河帶吞一朝天昏風雨惡炮火雷
飛箭星落誰雌誰雄頃刻分流屍漂血洋水渾
昨朝南船滿厓海今朝只有北船在昨夜兩邊
桴鼓鳴今朝船船鼙睡聲北兵去家八千里椎
牛釃酒人人喜惟有孤臣淚兩垂冥冥不敢向
人啼六龍杳靄知何處大海茫茫滿烟霧我欲
借劍斬佞臣黃金橫帶為何人

又六噫

颺風起兮海水飛
噫文武盡兮火德微
噫鷹鷂相擊兮靡所施
噫鴻鵠欲舉兮將安歸
噫權歌中流兮任所之
噫獨抱春秋兮莫我知
噫

言志

九垓化為魅
億醜俘為虜
既不能變姓名
卒于吳又不能斃
鉗奴于魯
遠引不如四皓
翁高蹈不如仲連
又吳鴻墜繒
繳長鯨綢網
罟鷁燕上下
爭誰何
螻蟻等閒相
爾汝
狼藉山河
歲云杪
飄零海角
春重暮
百年落
落生涯盡
萬里遙
遙行役苦
我生不辰
逢百罹
求仁得仁
尚何語
一死鴻毛
或泰山

之輕之重安所處婦女低頭守巾幘男兒嚼齏吞
刀鋸殺身慷慨猶易勉取義從容未輕許仁人志
士所植立橫絕地維屹天柱以身殉道不苟生道
在光明照千古素王不作千秋廢茲歸焉跡父中
土閭位適在三七間禮樂終當屬真主李陵衛律
罪通天遺臭至今使人吐種瓜東門不可得暴骨
勾奴固其所平生讀書為誰事臨難何憂復何懼
已矣乎易簣不必如魯參結纓猶當效子路

予因北庭坐一土室惡氣雜出鮮不為厲
而予以孱弱俯仰其間于茲二年矣孟

子曰我善養吾浩然之氣彼氣有七吾氣
有一浩然者乃天地正氣也吾何患焉作
正氣歌一首

天地有正氣雜然賦流形下則為河嶽上則為日
星於人曰浩然沛乎塞蒼溟皇路當清夷含和吐
明廷時窮節乃見一一垂丹青在齊太史簡在晉
董狐筆在秦張良椎在漢蘇武節為嚴將軍頭為
嵇侍中血為張睢陽齒為顏常山舌或為遼東帽
清操厲冰雪或為出師表鬼神泣莊烈或為渡江
楫慷慨吞胡羯或為擊賊笏逆豎頭破裂是氣

所磅礴凜烈萬古存當其貫日月生死安足論
地雖賴以立天柱賴以尊三綱寔繫命道義為
之根嗟予邁陽九隸也寔不力楚囚纓其冠傳
車送窮北鼎鑊甘如飴求之不可得陰房闕鬼火
春院閤天黑牛驥同一皁雞栖鳳凰食一朝茅霧
露分作溝中瘠如此再寒暑百沴自辟易嗟哉
沮洳場為我安樂國豈有他謬巧陰陽不能賊
顧此耿耿存仰視浮雲白悠悠我心悲蒼天局
有極哲人曰已遠典刑在夙昔風檐展書讀古
道照顏色

和夷齊西山歌

小雅盡廢兮出車采薇矣戎有中國兮人類熄
矣明王不興兮吾誰與歸矣抱春秋以沒世兮
甚矣吾衰矣

彼美人兮西山之薇矣北方之人兮為吾是非
矣異域長絕兮不復歸矣鳳不至兮德之衰矣

過淮河

北征垂半年依依只南土今晨渡淮河始覺非
故宇江鄉已無家三年一羈旅胡朔在何方乃
我妻子所昔也無奈何忽已置念慮念茲日已

近使我涕如雨我為綱常謀有身不得顧妻兮
莫望夫子兮莫望父天長與地久此恨極千古
來生業緣在骨肉當如故

過平原縣

平原太守顏真卿長安天子不知名一朝漁陽
動聲鼓大河以北無堅城君家兄弟奮戈起一
十七郡連連盟賊聞失色分軍還不敢長驅入
咸京明皇父子得西狩由是靈武起義兵唐家
再造李郭力逆賊辜掣公威靈哀哉常山賊鉤舌
公歸朝廷氣不折崎嶇坎坷不得去出入四朝老

忠節當年幸脫安祿山白首竟陷李希烈希烈安
能遽殺公宰相盧杞欺日月亂臣賊子歸何所
荒煙草中原土公視于今二百年忠貞赫赫雷
行天

題雙忠廟

為子死孝為臣死忠死又何妨自光岳氣分士無
全節君臣義缺誰負剛腸罵賊睚眦受君許遠
留得聲名萬古香後來者無二公之操百鍊之剛
嗟哉人生翕歔云亡好烈、轟、做一場便當時
賣國甘心降虜受人唾罵安得流芳古廟幽沈

遺容儼雅枯木寒鴉幾夕陽郵亭下有奸雄過
此子細思量

過零丁洋

辛苦遭逢起一經干戈落落四周星山河破碎水
漂絮身世浮沉風打萍惶恐灘頭說惶恐零丁
洋裏嘆零丁人生自古誰無死留取丹心照汗青

過金陵

草舍離宮轉夕暉孤雲飄泊欲何依山河風景原
無異城郭人民半已非滿地蘆花和我老舊家燕
子傍誰飛從今別却江南日化作啼鵲帶血歸

正月十三日

去年今日通厓山望見龍舟咫尺間
海上樓臺俄已變
河陽車駕不須還
可憐飛乳煙橫塞空想鵲啼月掩關
人世流光忽如此東風吹雪鬢毛斑

遣興

東風吹草日高眠
試把平生細問天
燕子愁迷江右月
杜鵑聲破洛陽烟
何從林下尋元亮
只向塵中作魯連
莫笑道人空打坐
英雄收歟使神仙

哭厓山

寶藏如山席六宗
樓船千疊水晶宮
吳兒進退尋

常事漢氏存亡頃刻中諸老丹心付流水孤臣血
淚洒南風早來朝市今何處始悟人間萬法空
戰場

三年海嶠擁貔貅一日蹉跎白盡頭垓下雌雄羞
故老長安咫尺泣孤囚魚龍沸海地為泣烟雨滿
山天也愁萬死小臣無足憾渴陰誰共倚中遊

燕獄

珙璧衣冠十六傳更無一士死君前自慚重趙非九
鼎猶幸延壽更數年孟博囊頭真自愛果卿鉤舌
要誰憐人間信有綱常在萬古西山皎月懸